

生指上尋

心香

篤耨旃檀莫與同  
温鑪活火煖融融  
劫前一瓣然新炷  
作麼垂瓜礙不通

心琴

萬籟消沉夜未央  
無絃彈出韻琅琅  
子期不解與人聽  
摸索銅盤作太陽

心劍

雪刃輝輝勢倚天  
舉之無上直無前  
豈徒氣焰衝牛斗  
切碎虛空露帝先

道藏輯要

雲山集

五

鼎集六  
一  
文  
文

心鏡

收拾菱花不記年  
晃然孤月下瑤天  
虛堂掛起驚神鬼  
瑩靜光明滿大千

心珠

如意密封無盡藏  
夜光輝耀五明宮  
會逢知友親拈出  
萬道霞光射碧空

心燈

洪渺玄虛作短檠  
非膏非炬放光明  
乾坤一許絲毫隔  
山鬼神竊敢放行

貴默